

SA's Leading Past Year

Exam Paper Portal

STUDY

You have Downloaded, yet Another Great Resource to assist you with your Studies 😊

Thank You for Supporting SA Exam Papers

Your Leading Past Year Exam Paper Resource Portal

Visit us @ www.saexampapers.co.za



SA EXAM
PAPERS



basic education

Department:
Basic Education
REPUBLIC OF SOUTH AFRICA

NATIONAL SENIOR CERTIFICATE

KEREITE YA 12

SESOTHO PUO YA LAPENG (HL)

PAMPIRI YA BORARO (P3)

PUDUNGWANA 2016

MEMORANDAMO

MATSHWAO: 100

Memorandamo ona o na le maqephe a 13.

KAROLO YA A: MOQOQO**POTSO YA 1**

- 1.1 **Tahlehelo e kgolo eo re kileng ra ba le yona lapeng lesa. Moqoqo wa phetelo (Narrative) kapa o hlalosing (Descriptive)**
Moqoqong ona mohlahlobuwa o qoqa a pheta pale kapa a hlalosa kamoo ba ileng ba lahlehelwa ke ho itseng lapeng labo kateng.

Dikahare tse ka lebellwang e ka ba tsena tse latelang:

Mohlahlobuwa a ka:

- pheta ka tahlehelo efe kapa efe e kileng ya ba hlahela lapeng;
- pheta ka ho lahlehelwa kapa ho utswetswa thepa kapa tjelete ka baka la bonokwane bo ileng ba etswa lapeng labo, ho tjelelwa ke ntlo;
- pheta ka ho fellwa ke mosebetsi ha e mong wa leloko hoo ba ileng ba qetella ba se ba sotleha;
- pheta ka lefu la wa leloko;
- pheta ka tlhalano ya batswadi e ileng ya ba ama habohlako;
- bolela kapa a hlalosa kamoo tahlehelo ena e ba ammeng kateng;
- hlalisa maikutlo a hae tahlehelo eo ba bileng le yona;
- phethela ka hore ba ile ba feta jwang mathateng ao kapa ditlamorao e bile dife.

[Ela hloko: Tahlehelo eno e lokela ho ama ditho tsa lelapa kaofela e seng mohlahlobuwa feela]

[50]

- 1.2 Ha ke a ka ka tseba hore ke na le sebete seo ke se bontshitseng mohlang oo. Moqoqo wa phetelo (Narrative) kapa o hlalosing (Descriptive)
Moqoqong ona mohlahlobuwa o qoqa a pheta pale kapa o hlalosa ketsahalo e ileng ya bontsha ho ba sebete ha hae.

Dikahare tse ka lebellwang e ka ba tsena tse latelang:

Mohlahlobuwa a ka:

- pheta kapa a hlalosa ka ketsahalo efe kapa efe eo a ileng a bontsha ho ba sebete ho yona;
- pheta kapa a hlalosa ketsahalo e itseng eo ho yona ho ileng ha bonahala hore o sebete;
- pheta kapa a hlalosa tsa letsatsi/mohlang oo ketsahalo ya ho ba sebete ha hae e etsahetseng ka wona;
- pheta kapa a hlalosa ka ho pholosa lelapa la habo, thepa kapa ntlo mollong kapa ho pholosa motho ya kotsing;
- qoqa ka ho pholosa motho makgatheng a lefu;
- qoqa ka ha a ne a itshireletsa kgahlanong le ditsotsi;
- qoqa ka ha a ile a kgona ho laola koloi ha a ne a le makgatheng a ho kena kotsing e tshosang/nyarosang;
- hlalosa maikutlo ao a bileng le ona kamorao ho ketsahalo eo;
- dihela dikgala ka ho qoqa ka thuto eo ketsahalo ena e re rutang yona.

[Ha mohlahlobuwa a buile ka diketsahalo tse mmalwa tseo a bontshitseng ho ba sebete ho tsona ka matsatsi a fapaneng, o batla a fokodisa tema ya hae.]

[50]

1.3 **Batjha ba ka qoba jwang ho ima pele ba kena lenyalong. Moqoqo o hlalolang (Descriptive)**

- Moqoqong ona mohlalobuwa o hlalosa diketsahalo tsa nnete ka tsela ya boiqapelo, mme a qaqise/hlakise ka tsela e hlakileng hore mmadi a tle a kgodisehe ka ho phethahala.
- Mohlahlobuwa a ka ngola ditaba tsa hae jwalo ka ha eka di etsahetse ho yena kapa mothong ya haufi haholo le yena bophelong.

Dikahare tse ka lebellwang e ka ba tsena tse latelang:

Mohlalobuwa a ka:

- hlalosa mabaka a lebisang ho imeng ha banana ba esong ho nyalwe;
- hlalosa ditsela/mekgwa eo ba ka qobang ho ima pele ho lenyalo ka yona jk;
- ho qoba ho kena diketsong tsa thobalano pele ba nyalwa/nyala;
- ho sebedisa dithibelapelehi;
- ho buisana le bahlankana/dikgarebe tsa bona ka ditsela tseo ba ka di sebedisang ho thibela ho ima ba eso nyalane;
- ho ba le matsholo a hlophiswang ke baetapele ba batjha ao ho ona ho eletswang batjha ka tsa thobalano;
- ho ba le matsholo a hlophiswang ke Lefapha la Bophelo bo botle dikolong;
- ho ananela meetlo, mekgwa le ditlwaelo tsa setjhaba;
- ho qoba ho shebella ditshwantsho tse itshetlehileng thobalanong;
- ho ba sedi kgethong ya metswalle le ho qoba tshusumetso ya metswalle e fosahetseng.

[50]

1.4 **Botle le bobbe ba ho etswa ha diteko tsa tshebediso e mpe ya dithethefatsi baneng ba sekolo. Moqoqo o sa tshehetseng lehlakore (Discursive)**

- Mofuteng ona wa moqoqo mohlalobuwa o sekaseka sehlooho a tadime mahlakore a mabedi a kgang ka mokgwa o tshwanang, mme a a buelle ka bobedi.
- Moqoqo ona ha o nke lehlakore, mme sepheo sa wona ke ho nehelana ka maikutlo mahlakoreng ka bobedi a taba a sa tshehetse lehlakore lefe kapa lefe.

Dikahare tse ka lebellwang e ka ba tsena tse latelang:

- Mohlahlobuwa a ka qala ka ho hlalosa sekgahla sa tshebediso ya dithethefatsi dikolong.

Botle ba ho etswa ha diteko.

Mohlalobuwa a ka qoqa ka hore:

- diteko tse etswang baneng ba sekolo di ka thusa ho fedisa tshebediso ya dithethefatsi dikolong jwang;
- diteko tsena di ka ba ama jwang tshebetsong ya bona ya sekolo;
- diteko tsena di ka thusa batswadi jwang ho ba nnetefaletsa hore bana ba bona ha ba sebedise dithethefatsi sekolong le bophelong ka kakaretso;
- di ka thusa ho thibela mafu a ka bakwang ke tshebediso e mpe ya dithethefatsi jwang;
- diteko tsena di ka thusa ho bopa botho/boitshwaro bo botle ba baithuti jwang, boo e tla bang motheo wa bokamoso ba bona;
- di ka thusa hore sekolo se hlwaye jwang bao e seng e le makgoba a tshebediso ya dithethefatsi;
- di ka thusa jwang ho boloka ba seng ba hlabolohile; di ka thusa sepolesa jwang ho fumana mehlodi ya dithethefatsi.

1.4 Bobe ba ho etswa ha diteko

Mohlalobuwa a ka:

- bontsha kamoo diteko tsa tshebediso ya dithethefatsi di hatikelang ditokelo tsa bana kateng;
- qoqa ka kamoo di ka tshabisang bana ho tla sekolong kateng;
- boela a hlalosa ka kamoo di ka tshehisang bana ka thaka tsa bona kateng;
- tswela pele a hlalose ka kamoo diteko tsa ho sebedisa dithethefatsi di ka fedisang boitshepo ba bona kateng;
- qoqa ka ho fosahala ha dipheho tsa diteko;
- hlalosa ka kamoo di ka ba talolang thakeng tsa bona le ho ba nyenyefatsa kateng.

[50]**1.5 Phano ya madi le ditho tsa mmele ke thuso e kgolo setjhabeng.**

Dumellana kapa o hanane le sehlooho. *Moqoqo wa kgang (Argumentative)*

- Moqoqo ona ke wa kgang. Mohlahlobuwa o lokela ho bontsha ntlhakemo ya hae kapa mohopolo oo a sekamelang ka ho wona e leng hore o dumellana kapa o hanana le sehlooho.
- O lokela ho hlalisa lehlakore le ho le ntshetsa pele, mme a le tshehetsa le ho le sireletsa ka dintlha tse utlwahalang, tse kgodisang.
- Ntlhakemo ya mongodi e lokela ho hlaka ka nako tsohle.

Dikahare tse ka lebellwang e ka ba tsena tse latelang:

Mabaka a ho dumellana le sehlooho

Mohlalobuwa a ka:

- dumellana le sehlooho, mme a bontshe kamoo phano ya madi le ditho tsa mmele e leng thuso e kgolo setjhabeng kateng;
- hlalosa maemo ao ho wona phano ya madi le ditho tsa mmele di ka hlokehang;
- a ka fana ka mehlala ya ditho tsa mmele tseo ho ka fanwang ka tsona;
- kgothaletsa batho ho etsa diteko hore ba tle ba tsebe hore ebe ba loketse ho fana ka madi le ditho tsa mmele na;
- phethela ka ho kgothaletsa setjhaba ho ingodisetsa ho fana ka madi le ditho tsa mmele bakeng sa ho pholosa maphelo;

Mabaka a ho hanana le sehlooho

Mohlalobuwa a ka:

- hanana le sehlooho mme a nehelane ka mabaka ao ka ona ho fana ka madi le ditho tsa mmele ho se nang thuso kateng setjhabeng;
- hlalosa maemo ao ho wona phano ya madi le ditho tsa mmele di sa amoheleheng;
- a ka tiisa ka mabaka ao ka wona a sa kgothaletsang hore ho nehelanwe ka madi le ditho tsa mmele a jwalo ka (ho retlwa le ho rekiswa ha ditho tsa mmele; ditumelo tse fapaneng; madi a ka nnang yaba a na le tshwaetso ya mafu a itseng) jj;
- phethela ka ho kgothaletsa setjhaba ho hanana le phano ya madi le ditho tsa mmele.

[50]

- 1.6 **Hoja ka mamela dikgalemo tsa batswadi le matitjhere a ka.**
Moqoqo wa boimamelo/o tebisang maikutlo (Reflective)
Ke moqoqo wa boimamelo kapa oo mongodi a tebisang maikutlo a hae hodima se itseng seo a se nahanisang ka botebo.

Dikahare tse ka lebellwang e ka ba tsena tse latelang:

Mohlalobuwa a ka:

- hlalosa bohloko ba ho se mamele ha a kgalengwa;
- lokodisa diketsahalo tseo ho tsona a sa kang a mamela ha a ne a kgalengwa.ke batswadi le matitjhere;
- qaqisa mathata ao a ileng a kena ho ona ka lebaka la ho se mamele;
- hlalosa seo a ithutileng sona diketsong tseo tsa hae tsa ho se mamele batswadi le matitjhere;
- qoqa ka ditlamorao tse bosula tse ka thunthetsang bophelo ba motho;
- dihela dikgala ka ho eletsa bomphato ba hae hore ba se kene molekong wa ho se mamele batswadi le matitjhere a bona.

[50]

- 1.7. **Ditshwantsho:** (1.7.1 le 1.7.2)

- Moqoqong ona mohlalobuwa o qoqa a itshetlehile ka **seo a se bonang kapa mohopolo wa sehlooho** o qholoditsweng ke setshwantsho maikutlong a hae;
- Moqoqo ona o ka ngolwa ho tswa lehlakoreng lefe kapa lefe, ho latela moelelo oo a o fumanang ka setshwantsho.

[50]

MATSHWAO OHLE A KAROLO YA A: 50

KAROLO YA A: MOQOQO**Ditaelo ho motshwayi:**

- Mohlahlobuwa o lokela ho ngola ka sehlooho SE LE SENG FEELA KAROLONG YA A, mme a ngole ka dihlooho TSE PEDI KAROLONG YA B.
- Karolo ka nngwe e na le ruburiki ya yona.
- Sebedisa diruburiki tseo o di fuweng bakeng sa ho tshwaya tema ka nngwe.
- Mohlahlobuwa a etse moralo bakeng sa tema ya hae.
- Ha mohlahlobuwa a **tswile lekoteng** nehelanong, etsa tsena tse latelang:
 - Abela mohlahlobuwa matshwao bakeng sa dikahare ho fella kगतong ya pele feela.
 - Abela mohlahlobuwa matshwao bakeng sa tshebediso ya puo ho fella kगतong ya pele feela.
 - Abela mohlahlobuwa matshwao bakeng sa sebopeho ho fella kगतong ya pele feela.
- Mohlahlobuwa a etse moralo bakeng sa tema ya hae: Motshwayi a lekole dintlha (mehopolo ya sehlooho le e e tshehetsang) ho bona kamoo e lebisang tlhahisong ya diratswana le tema yohle kateng.

Tataiso bakeng sa ho tshwaya moqoqo:

Sehella lentswe kapa polelo e fosahetseng mola, o be o bontshe mofuta wa phoso hodima lentswe/polelo ka ho sebedisa matshwao ana a latelang:

- / bakeng sa ho arola mantswe a ngotsweng a kopantswe empa a lokela ho arolwa;
- , + bakeng sa ho kopanya mantswe a arohantsweng empa a ngolwa a kopane;
- mn bakeng sa mongolo (*orthography*) o fosahetseng;
- mp bakeng sa mopeleto o fosahetseng;
- mt bakeng sa tshebediso ya matshwao a puo a fosahetseng kapa moo ho hlokehang letshwao la puo;
- p bakeng sa puo e sa sebediswang ka nepo kapa ka tshwanelo/tlwaelo;
- ^ bakeng sa lentswe, karolwana ya lentswe le matshwao a ho bala a siilweng dipakeng tsa mantswe a mang;
- // bakeng sa ho arola diratswana.
- ← bakeng sa ha mohlahlobuwa a qadile polelo hara mola;
- ↑↓ bakeng sa ha mohlahlobuwa a fetoletse dintlha tsa hae a qadile ka eo a lokelang ho qetella ka yona.

ELA HLOKO:

- Sebedisa ruburiki ena e latelang ka nako tsohle ha o lekanyetsa meqoqo (Pampiri ya 3, KAROLO YA A).
- Matshwao a 0–50 a arotswe ho ya ka dikgato tse 5 tsa ditlhaloso tsa phihlello.
- Lekgetheng la Dikahare, Puo le Setaele, tlhaloso e nngwe le e nngwe ya phihlello e arotswe habedi ho hlahisa boemo bo hodimo le boemo bo tlase; boemo bo bong le bo bong bo na le tlhaloso ya bona.
- Lekgetha la Sebopeho lona ha le a arolwa ka bokgoni bo nang le boemo bo hodimo le bo tlase.

SENOTLOLO SA HO TSHWAYA:

| Makgetha a tekanyetso | Matshwao | Senotlolo |
|-------------------------------------|-----------|-----------|
| Dikahare le Moralo | 30 | DM = |
| Puo le Setaele le Tokiso ya diphoso | 15 | PST = |
| Sebopeho | 05 | Seb = |
| Matshwao ohle | 50 | |

KAROLO YA A: RUBURIKI YA HO LEKANYETSA MOQOQO – (MATSHWAO A 50) SESOTHO PUO YA LAPENG (HL) - SLKT

| Makgetha a ho lekanyetsa | 5. Phihlello e babatsehlang | 4. Phihlello e supang bokgoni | 3. Phihlello e mahareng | 2. Phihlello ya motheo feela | 1. Phihlello e haellang |
|---|--|---|--|---|--|
| DIKAHARE LE MORALO Tshekatsheko ya sehlooho: thophiso ya mehopollo le dintlha, kelohlolo ya baamohedi ba ditaba, maikemisetsa le maemo Matshwao a: 30 | 28–30 - nehelano e bontshang kutlwisiso e babatsehlang ya sehlooho e supang bokgoni bo ikgethang; - mehopollo e bontsha boqhetsese, e phepetsa monahano mme ke e sutsiseng; - e hlophisitswe hantle ka tsela e ikgethang/babatsehlang mme e momahane ka tshwanelo ho kenyeditse selelekela, mmele le qetelo. | 22–24 - nehelano e ralehileng hantle haholo; - mehopollo e tsamaellana le sehlooho ka botlalo, e a kgahlisa mme e na le bopaki ba mehopollo e sutsiseng; - o hlophisitswe hantle haholo ka tsela e ikgethang mme o momahane ka tshwanelo ho kenyeditse selelekela, mmele le qetelo. | 16–18 - nehelano ke e kgotsofatsang ditlhokeho; - mehopollo e momahane ka tsela e kgotsofatsang le e kgodisang; - o hlophisitswe ka tsela e utlwisisehang mme o momahane ka tshwanelo ho kenyeditse selelekela, mmele le qetelo. | 10–12 - nehelano e momahane mona le mane; - mehopollo ke e seng ya boiqapelo mme e sa hlangang; - ho na le bopaki bo seng bokae ba thophiso le momahano ya nehelano. | 4–6 - nehelano e tswile lekoteng ho hang; - mehopollo ke e sa tsepamang e dubakaneng; - ha e utwahale mme dintlha di a phetakakwa; - ha e a hlophiswa ka tshwanelo le momahano ha e yo. |
| | 25–27 - mosebetsi o tswileng matsoho leha o haellwa ke dintlha tse ikgethang tsa moqoqo o babatsehlang; - mehopollo ke e sutsiseng mme e bontsha boqhetsese; - o hlophisitswe hantle ka tsela e bontshang bokgoni mme o momahane ka tshwanelo ho kenyeditse selelekela, mmele le qetelo. | 19–21 - Nehelano e radilweng hantle; - mehopollo ke e loketseng mme e thahasellisang; - o hlophisitswe hantle ka tsela e ikgethang mme o momahane ka tshwanelo ho kenyeditse selelekela, mmele le qetelo. | 13–15 - nehelano e a kgotsofatsa le ha e sa hlaka mona le mane; - mehopollo e momahane le ho kgodisa ka tsela e mahareng; - ho na le thophiso le momahano e itseng ho kenyeditse selelekela, mmele le qetelo. | 7–9 - nehelano boholo e tswile lekoteng; - mehopollo ha e a momahane ka tshwanelo mme e a lahlehisa; - nehelano ha e na bopaki ba thophiso le momahano. | 0–3 - boiteko ha bo yo ba ho arabela sehlooho; - mehopollo e tswile lekoteng ka ho phethahala, ha e a nepahala; - nehelano ha e a tsepama sehloohong, mme e dubakane. |
| PUO, SETAELE LE TOKISO YA DIPHOSO Sehalo, rejisetara, setaele, tlontlontse ke tse lokelang sepheo/tshusumetso le maemo; Kgetho ya mantswe Tshebediso ya puo le tlwaelo, matshwao a ho balla le mopeleto Matshwao a: 15 | 14–15 - sehalo, rejisetara, setaele le tlontlontse di loketse sepheo ka tsela e babatsehlang, baamohedi ba ditaba mmoho le maemo; - tshebediso ya hae ya puo e a ikgetha, mme e bontsha boitshepo ka tsela e tsotshang; - o sebedisitse sehalo se matla mme se susumetsang ka tsela e ikgethang; - o batla o hloka diphoso tsa puo le tsa mopeleto; - o radilwe ka bokgoni bo tsotshang. | 11–12 - sehalo, rejisetara, setaele le tlontlontse di loketse sepheo, baamohedi ba ditaba mmoho le maemo haholo; - tshebediso ya puo e matla mme ho sebedisitswe sehalo se loketseng ka nako tsohle; - boholo ba mosebetsi ha o na diphoso tsa tshebediso ya puo le mopeleto; - o radilwe hantle ka tshwanelo. | 8–9 - sehalo, rejisetara, setaele le tlontlontse di loketse sepheo, baamohedi ba ditaba mmoho le maemo; - tshebediso ya puo ke e loketseng, mme e fetisa moelelo ka tshwanelo; - puo ya bonono ke e loketseng mme e sebedisitswe ka tshwanelo; - sehalo se sebedisitswe ka tshwanelo; - o radilwe ka tsela e mahareng feela. | 5–6 - sehalo, rejisetara, setaele le tlontlontse ha di a lokela sepheo, baamohedi ba ditaba mmoho le maemo; - puo e sebedisitswe feela ka tsela ya motheo; - sehalo mmoho le moelelo o hlahiswang ke tema ke tse sa lokelang; - ho sebedisitswe tlontlontse ya motheo feela. | 0–3 - puo e sebedisitsweng ha se e utlwisisehang; - sehalo, rejisetara, setaele le tlontlontse ha di a lokela baamohedi ba ditaba, sepheo le maemo; - tshebediso ya tlontlontse e haellang haholo hoo nehelano e sa utlwisisehang. |
| | 13 - tshebediso ya puo ke e nepahetseng, mme e susumetsang sehalo sa tema; - o batla o hloka diphoso tsa puo le tsa mopeleto; - o radilwe ka bokgoni bo tsotshang. | 10 - tshebediso ya puo ke e sefutho mme e loketseng maemo; - sehalo ke se matla mme se loketseng; - ho na le diphoso tse seng kae tsa puo le tsa mopeleto; - o radilwe hantle. | 7 - tshebediso ya puo ke e kgotsofatsang le ha ho na le ho sa tsamaellane mona le mane; -Ka kakaretso sehalo ke se loketseng le ha puo ya bonono e le e haellang. | 4 - puo ke ya motheo feela mme e sebedisitswe ka tsela e haellang; - popeho ya dipolelo ke e tshwanang e se nang motswako; - tlontlontse e haella haholo feela. | |
| SEBOPEHO Makgetha a tema: popeho ya dipolelo le kgodiso ya diratswana le bolelele bo hlokehang. Matshwao a: 5 | 5 - kgodiso ya sehlooho ke e babatsehlang; - katoloso ya dintlha ke e ikgethang; - dipolelo le diratswana di bopilwe ka tsela e ikgethang. | 4 - dintlha ke tse loketseng mme tse hodisang sehlooho; - momahano e bopilweng ke e supang bokgoni; - dipolelo le diratswana di loketse nehelano mme di fapafapanngwa ka tshwanelo. | 3 - dintlha tse loketseng di hodisa sehlooho ka tsela e mahareng; - dipolelo le diratswana di bopilwe ka tsela e mahareng; - moqoqo o ntse o hlahisa moelelo. | 2 - tse ding tsa dintlha ke tse utwahalang; - dipolelo le diratswana di na le diphoso; - moqoqo o a utlwisiseha le ha o le diphoso. | 0–1 - dintlha tsa bohlokwa di a haella; - dipolelo le diratswana tse hlahisitsweng ke tse fosahetseng; - moqoqo ha o na moelelo o lebeletsweng. |

KAROLO YA B: DITEMA TSA KGOKAHANANO**POTSO YA 2****2.1 Nalane ya tsa bophelo ba mofu**

Ena ke tema eo ho yona ho ngolwang ditaba tsa nalane ya bophelo ba mofu.

Dikahare tse ka lebellwang e ka ba tsena tse latelang:

- Mofu ke mang, ke wa ha mang o tswalwa ke bomang;
- Tlhaho ya hae: sebaka moo a hlahetseng teng, letsatsi la tswalo le selemo;
- Tsa kgolo ya mofu: dithuto, mosebetsi le tsa lenyalo;
- Tsa lefu la hae: letsatsi le mokgwa oo a hlokaletseng ka wona;
- Maballo: bao a ba siyang;
- Theneketso/diphafo: seboko sa hae.

ELA HLOKO: Ho ka etsahala hore e be mofu ha a fumana thuto ya sekolo, ha a sebetsa mesebetsi ya thuto jwalo ka ha re e tseba mme ebile ha a nyala/nyalwa. Maemong a kang ao mohlalobuwa a ka ngola ka ditaba tse kang: tsela eo mofu a neng a phela ka yona, thuto ya lapeng, seabo sa hae lapeng la hae le setjhabeng. Tokodiso ya ditaba e be e nepahetseng mme tema ena e ngolwe ka tsela ya semmuso. Bolokolohi ba ho ngola diphafo tsa seboko ka puo ya letswele bo nne bo be teng. Diboko tsa boiqapelo ha di amohelehe.

[25]**2.2 Tekolokakaretso**

Sepheo sa tekolokakaretso ena ke ho nehelana ka tlhahisoleseding ka pale e ileng ya balwa bukeng le ho tsosa thahasello mabapi le yona.

Dikahare tse ka lebellwang e ka ba tsena tse latelang:

Mohlalobuwa a ka hlalosa tse latelang ka bokgutshwanyane:

- selelekela se lelekellang pale eo, empa a se ye lolololo haholo;
- mofuta wa sengolwa, sehlooho le mongodi wa buka;
- poloto ya buka kapa pale;
- tikoloho le nako ya diketsahalo tse hlahellang pale eo;
- dibapadi/baphetwa ba pale le seabo sa bona;
- thuto e fumanwang sengolweng seo;
- ya ngolang tekolokakaretso o na le kgetho ya ho ka nka ntlhakemo e itseng mme a be a hlahise mohopolo wa hae mabapi le ntlhakemo eo ya hae;
- lebitso la molekodi, mme a phethele ka kgothalletso ya hae.

[25]

2.3 Lengolo la setlwaedi/setswalle

- Aterese e nngwe, ya mongodi mme e ngolwa e qala hodimo bohareng ba leqephe ho tloha tsohong le letshehadi ho ya ho le letona; Ha mohlahlobuwa a ngotse aterese le letsatsi/mohla di arohane kapa di kopane, ho se be le kotlo eo a e fuwang;
- Aterese e ngolwa ka mokgwa wa boloko; ha ho ngolwe matshwao a puo ntle le ha aterese eo e na le lebokoso la poso;
- Aterese ya ya ngollwang ha e hlahiswe mofuteng ona wa lengolo;
- Ka mora mohla ho tlolewa mola, ebe ho tla tumediswa; yona e ngolwa ka tsohong le letshehadi, haufi le moo leqephe le qalang.
- Hlokomela hore ha ho ngolwe letshwao la puo ka mora tumediswa;
- Seratswana sa selelekela se lokela ho ba sekgutshwanyane, mme se omele ditaba kapa se totobatse sepheo sa lengolo;
- Mmele wa lengolo o ahwe ka diratswana tse seng kae; di ka ba tharo kapa ho feta, mme mona ke moo ya ngolang a nontshang taba tsa hae tse mabapi le sehlooho sa lengolo;
- Qetelo ya lengolo ke e kgutshwane ka tlwaelo, mme e phethela ditaba;
- Lengolong la setlwaedi ha ho hlokehe hore o ngole sefane/fane ya hao, mme ha ho ngollwa motswalle ho ka nna hwa qetellwa ha monatjana ka tsela eo ba bitsanang ka yona. Mohlala: mokgotsiao, ntjamme jj.

Dikahare tse ka lebellwang e ka ba tsena tse latelang:

Mohlahlobuwa a ka:

- totobatsa sepheo seo lengolo le ngolwang ka sona (ho tsebisa motswalle ka bophelo ba yunivesithing);
- ngola ka bodulo ba hae moo yunivesithing;
- ngola ka metswalle e metjha eo a seng a kopane le yona;
- ngola le ka dithuto tse ntjha tsa yunivesithing;
- ngola le ka diphephetso tseo a kopanang le tsona yunivesithing moo;
- ngola ka dintle le dimpe tsa ho phela hole le batswadi.

[25]

2.4 Atikele e yang makasineng

Sebopeho

- E ba le sehlooho se matla ebile se hohelang mahlo.
- Lebitso la moqolotsi wa ditaba le sebaka seo atikele e ngolletsweng teng di ngolwa ka hodima seratswana sa pele.
- E arolwa ka dikholomo tse bopilweng ka diratswana tse kgutshwane.
- Ditaba di hlahiswa ka sebopeho sa phiramiti e shebileng tlase.

Dikahare tse ka lebellwang e ka ba tsena tse latelang:

Mohlahlobuwa a ka:

- ngola ka bohlokwa ba ho phela sebakeng se hlwekileng;
- thoholetsa batjha ka ho ikgobokanya ka sepheo sa ho etsa botle setjhabeng;
- kgothaletsa setjhaba ka kakaretso ho ithuta ka ketso e ntle eo batjha ba e entseng;

- 2.4
- kgothatsa batjha bao ka hore ba nne ba tswele pele ho etsa e meng melemo setjhabeng le ho ruta batjha ba bang ba so kang ba ikgobokanya ho etsa tse molemo sebakeng seo ba phelang ho sona le tikolohong ka kakaretso.

ELA HLOKO: Ha mohlalobuwa a sa ngola ka sebopeho sa kholomo a ngotse feela ka tsela ya sehlooho, selelekela le diratswana (tsela ya moqoqo) a se fumantshwe kotlo.

[25]

2.5 Lengolo la semmuso

- Aterese di pedi. Aterese ya mongodi wa lengolo e ngolwa ho tloha mahareng a leqephe ho leba letsohong le letona, ebe e latelwa ke letsatsi, kgwedi le selemo. Ka mora aterese ho tloha mola, pele ho ngolwa la mohla. (Ha mohlalobuwa a ngotse aterese le letsatsi/mohla di arohane kapa di kopane, ho se be le kotlo eo a e fuwang);
- Aterese ya ya ngollwang e ngolwa ka letsohong le letshehadi. Aterese ya moamohedi e qala ka maemo a tshebetso a ya ngollwang ebe ho latela aterese ya hae ka botlalo;
- Tlase aterese ho ngolwa tumedisano (Monghadi, mofumahadi kapa mofumahatsana/ Mong., Mof., Mofts.);
- Tlase tumedisano ho ngolwa mola wa sehlooho – o totobatsang sepheo sa lengolo, ebe ho latela selelekela;
- Qetelo ke ya semmuso mme e ngolwa e le '*Ka botshepehi, Ka boikokobetso* jj;
- Ya ngolang o ngola lebitso la hae ka botlalo ka mora qetelo, ebe o a saena.

Dikahare tse ka lebellwang e ka ba tsena tse latelang:

Mohlalobuwa a ka

- totobatsa sepheo seo lengolo le ngolwang ka sona (ho tletleba ho mookamedi wa seteishene mabapi le kamoo sepolesa se sa kang sa mo sebeletsa hantle kateng);
- qaqisa ketsahalo eo a neng a ilo e tlaleha sepoleseng;
- ngola ka mabaka a lebisitseng ho se kgotsotaleng ha hae ka mokgwa oo mapolesa a sa mo sebeletsang hantle kateng;
- ngola a hlalisa kamoo a ka thabelang ho thuswa kateng;
- sisinya se ka etswang ho lokisa maemo ao.

[25]

2.6 Puo

- Puo ke karolo ya bohlokwa ya phedisano.
- Ke tema e matla, e hohelang le ho qahamisa ditsebe tsa bamamedi.
- Hangata e etswa meketjaneng moo motho a mametsweng ke sehlophahadi sa batho.

Dikahare tse ka lebellwang e ka ba tsena tse latelang:

Sebui se leboha monyetla wa ho fumantshwa sebaka sa ho etsa puo mme se ka:

- bua se totobatsa sepheo sa ho nehelana ka puo eo, e leng ho kgothatsa baithuti ho ithuta ka matla hore ba tle ba iketsetse bokamoso bo botle le ho feta ba sona;

- bua se ba hopotsa hore le sona e ne e le moithuti moo, mme ho ikitlaetsa ha sona mosebetsing wa sekolo ho ile ha se betlela monyetla wa ho ba le bokamoso bo botle;
- phethela ka ho ba lakaletsa katleho le mahlohonolo boitokisetsong ba dithuto tsa bona.

[25]

MATSHWAO OHLE A KAROLO YA B: 50
MATSHWAO OHLE A PAMPIRI ENA: 100

KAROLO YA B: DITEMA TSA KGOKAHANO**Ditaelo ho motshwayi:**

- Mohlahlobuwa o lokela ho ngola ka dihlooho TSE PEDI karolong ena.
- Ha mohlahlobuwa a tswile lekoteng nehelanong etsa tsena tse latelang:
 - Abela mohlahlobuwa matshwao bakeng sa dikahare ho fella kगतong ya pele feela.
 - Abela mohlahlobuwa matshwao bakeng sa tshebediso ya puo ho fella kगतong ya pele feela.
 - Abela mohlahlobuwa matshwao bakeng sa sebopeho ho fella kगतong ya pele feela.
- Mohlahlobuwa a etse moralo bakeng sa ditema tsa hae.

Mohlahlobuwa a etse moralo bakeng sa tema ya hae: Motshwayi a lekole dintlha (mehopolo ya sehlooho le e e tshehetsang) ho bona kamoo e lebisang tlhahisong ya diratswana le tema yohle kateng.

Tataiso bakeng sa ho tshwaya tema e telele:

- Sehella lentswe kapa polelo e fosahetseng mola, o be o bontshe mofuta wa phoso hodima lentswe/polelo ka ho sebedisa matshwao ana a latelang.

/ bakeng sa ho arola mantswe a ngotsweng a kopantswe empa a lokela ho arolwa;

—, + bakeng sa ho kopanya mantswe a arohantsweng empa a ngolwa a kopane;

Mn bakeng sa mongolo (*orthography*) o fosahetseng;

Mp bakeng sa mopeleto o fosahetseng;

Mt bakeng sa tshebediso ya matshwao a puo a fosahetseng kapa moo ho hlokehang letshwao la puo;

P bakeng sa puo e sa sebediswang ka nepo kapa ka tshwanelo/tlwaelo;

^ bakeng sa lentswe, karolwana ya lentswe le matshwao a ho bala a siilweng dipakeng tsa mantswe a mang;

// bakeng sa ho arola diratswana;

← bakeng sa ha mohlahlobuwa a qadile polelo hara mola;

↑↓ bakeng sa ha mohlahlobuwa a fetoletse dintlha tsa hae a qadile ka eo a lokelang ho qetella ka yona.

SENOTLOLO SA HO TSHWAYA:

| Makgetha a Tekanyetso | Matshwao | Senotlolo |
|-----------------------------------|-----------|-----------|
| Dikahare, Moralo le Sebopeho | 15 | DMS. = |
| Puo, Setaele le Tokiso ya diphoso | 10 | PST = |
| Matshwao ohle | 25 | |

RUBURIKI YA HO LEKANYETSA TEMA YA KGOKAHANO – SESOTHO PUO YA LAPENG [MATSHWAO A 25]

| Makgetha a ho lekanyetsa | Phihlello e babatsehang | Phihlello e supang bokgoni | Phihlello e mahareng | Phihlello ya motheo feela | Phihlello e haellang |
|--|--|---|---|---|--|
| <p>DIKAHARE, MORALO LE SEBOPEHO</p> <p>(Nehelano le mehopolu) Ho rala, ho hlophisa mehopolu. Kelohlolo ya maikemisetso, baamohedi ba ditaba le maemo</p> <p>MATSHWAO A 15</p> | <p>13–15</p> <p>-Nehelano e babatsehang ya sehlooho e supang bokgoni bo ikgethang; -Mehopolu e matla e sutsitseng; -Tsebo e batsi ya makgetha a mofuta ona wa tema; -Nehelano ha e kgere e tsepame sehloohong; -Mehopolu le dikahare ke tse momahaneng, tse hlalositsweng ka botebo, mme dintlha di tshhetsa sehlooho; -Sebopeho ke se loketseng se nang le diphoso tse mmalwa.</p> | <p>10–12</p> <p>-Nehelano e ntle haholo e bontshang tsebo e ntle ya makgetha a mofuta ona wa tema; -Nehelano ha e kgere e tsepame sehloohong; -Mehopolu le dikahare ke tse momahaneng, tse hlalositsweng ka botebo, mme dintlha di tshhetsa sehlooho; -Sebopeho ke se loketseng se nang le diphoso tse mmalwa.</p> | <p>7–9</p> <p>-Nehelano e lekaneng e bontshang tsebo ya makgetha a mofuta ona wa tema; -Nehelano ha e a tsepama sehloohong ka ho phethahala ho na le ho kgera ho itseng; -Mehopolu le dikahare di na le momahano e amoheleng; -Ke dintlha tse itseng feela tse tshhetsang sehlooho; -Ka kakaretso sebopeho ke se loketseng empa se nang le diphoso tse itseng.</p> | <p>4–6</p> <p>-Nehelano ya motheo e bontshang tsebo ya makgetha a itseng feela a mofuta ona wa tema; -Nehelano e na le tsepamo e itseng feela sehloohong empa e a kgera; -Mehopolu le dikahare ha se ka mehla di momahaneng; -Sehlooho se tshhetswa ke dintlha tse itseng feela; -Sebopeho se fofo feela, mme se na le bohlotsa bo boholo.</p> | <p>0–3</p> <p>-Nehelano e totobatsa kgaello ya tsebo ya makgetha a mofuta ona wa tema; -Moelelo o nyotobetswa ke ho kgera ho hoholo; -Mehopolu le dikahare ha di na momahano; -Ke dintlha tse mmalwa haholo tse tshhetsang sehlooho; -Ha ho na boiteko bo entsweng ho sebedisa sebopeho se nepahetseng.</p> |
| <p>PUO, SETAELE LE TOKISO YA DIPHOSO</p> <p>Sehalo rejistara, setaele, maikemisetso, baamohedi ba ditaba le maemo. Tshebediso ya puo, tlwaelo ya tshebediso ya puo, kgetho ya mantswa, matshwao a puo le mopeleto</p> <p>MATSHWAO A 10</p> | <p>9–10</p> <p>-Sehalo, rejistara, setaele le tlotlontswa di loketse ka ho fetisisa maikemisetso, baamohedi ba ditaba le maemo; -Tshebediso ya puo e nepahetse e bile e bopehile hantle; -Nehelano ha e na diphoso.</p> | <p>7–8</p> <p>-Sehalo, rejistara, setaele le tlotlontswa di loketse ka ho fetisisa maikemisetso, baamohedi ba ditaba le maemo; -Ka kakaretso tshebediso ya puo ke e nepahetseng e bileng e bopehile hantle; -Tshebediso ya tlotlontswa e ntle haholo; -Nehelano boholo ha e na diphoso.</p> | <p>5–6</p> <p>-Sehalo, rejistara, setaele le tlotlontswa di loketse maikemisetso, baamohedi ba ditaba le maemo; -Nehelano e na le diphoso tse itseng tsa tshebediso ya puo; -Tshebediso ya tlotlontswa ke e lekaneng; -Diphoso ha se tse nyotobetsang moelelo.</p> | <p>3–4</p> <p>-Sehalo, rejistara, setaele le tlotlontswa ha di a lokela maikemisetso, baamohedi ba ditaba le maemo hantle; -Tshebediso ya puo e fosahetse e bile e tletse diphoso tse ngata; -Tshebediso e seng kae ya tlotlontswa; -Moelelo o nyotobeditse.</p> | <p>0–2</p> <p>-Sehalo, rejistara, setaele le tlotlontswa ha di dumellane le maikemisetso, baamohedi ba ditaba le maemo; -Nehelano e tletse diphoso e dubakane; -Tlotlontswa ha e dumellane le maemo; -Moelelo o nyotobeditse haholo.</p> |